



## KEMENTERIAN PENDIDIKAN TINGGI

### PERMOHONAN MENGIKUTI PENGAJIAN KE INSTITUSI PENGAJIAN TINGGI DI MESIR SESI 2023/2024

1. Kementerian Pendidikan Tinggi (KPT) Malaysia mempelawa pelajar yang berkelayakan dan berminat untuk melanjutkan pengajian ke Mesir dalam Program Ijazah Sarjana Muda bidang Perubatan, Pergigian, Farmasi, Pengajian Islam dan Qiraat.
2. KPT hanya memproses permohonan pelajar melalui e-Timur Tengah dan menguruskan pendaftaran pelajar di institusi pengajian di Mesir. Segala kos yuran pengajian dan kos kehidupan pelajar adalah ditanggung dan diuruskan sendiri oleh pelajar.
3. **KPT tidak melantik atau menggunakan mana-mana orang perseorangan atau syarikat atau ejen bagi urusan permohonan dan penempatan serta logistik pelajar ke Mesir.**
4. Permohonan secara dalam talian akan **dibuka pada 22 Mei 2023 (Isnin)** dan akan ditutup pada **15 Jun 2023 (Khamis)**.
5. Pelajar yang berminat dan mempunyai kelayakan yang ditetapkan perlu membuat permohonan dalam talian dan membayar wang prosesan permohonan seperti berikut mengikut bidang pengajian:

Pengajian	Wang Pemprosesan
Perubatan / Pergigian / Farmasi	<b>RM285.00</b>
Pengajian Islam / Qiraat	<b>RM350.00</b>

6. Wang prosesan permohonan tidak boleh dituntut semula sekiranya pelajar tidak layak untuk didaftarkan di institusi pengajian di Mesir. Di samping itu, pelajar juga perlu menyediakan wang tunai bagi tujuan pendaftaran secara dalam talian dalam anggaran seperti jadual di bawah. Pembayaran akan dibuat melalui aplikasi yang ditetapkan Fawry di Mesir atau aplikasi dalam

talian KPT Mesir semasa urusan pendaftaran secara dalam talian dilaksanakan:

Pengajian	Wang Pendaftaran Dalam Talian
Perubatan / Pergigian / Farmasi	<b>EGP4,700.00</b>
Pengajian Islam	<b>EGP900.00</b>
Qiraat	<b>EGP500.00</b>

## BIDANG PENGAJIAN YANG DITAWARKAN DI MESIR BAGI SESI 2023/2024

7. Penawaran kursus berikut adalah tertakluk kepada keputusan muktamad oleh universiti dan KPT Mesir. Sekiranya pelajar telah didaftarkan dan mengikuti pengajian, sebarang pertukaran kursus pengajian dan universiti adalah di bawah tanggungjawab pelajar sendiri.

UNIVERSITI	KELAYAKAN MINIMUM DAN BIDANG PENGAJIAN	LAMAN WEB												
Al-Azhar	<b><u>SPM</u></b> Pergigian Ulum Islamiah	<a href="http://www.azhar.edu.eg">http://www.azhar.edu.eg</a>												
	<b><u>SPM DAN SIJIL MATRIKULASI/ ASASI/ PRA-UNIVERSITI/ STPM/A-LEVEL</u></b> Perubatan													
	<b><u>STAM</u></b>													
	<table border="1"> <thead> <tr> <th>LELAKI</th> <th>PEREMPUAN</th> </tr> </thead> <tbody> <tr> <td>Syariah Islamiah</td> <td>Syariah Islamiah</td> </tr> <tr> <td>Usuluddin</td> <td>Usuluddin</td> </tr> <tr> <td>Bahasa Arab</td> <td>Bahasa Arab</td> </tr> <tr> <td>Pengajian Islam</td> <td></td> </tr> <tr> <td>Dakwah</td> <td></td> </tr> </tbody> </table>		LELAKI	PEREMPUAN	Syariah Islamiah	Syariah Islamiah	Usuluddin	Usuluddin	Bahasa Arab	Bahasa Arab	Pengajian Islam		Dakwah	
	LELAKI		PEREMPUAN											
	Syariah Islamiah		Syariah Islamiah											
Usuluddin	Usuluddin													
Bahasa Arab	Bahasa Arab													
Pengajian Islam														
Dakwah														
<b><u>SIJIL/ DIPLOMA QIRAAT</u></b> Qiraat														
Alexandria	<b><u>SPM DAN SIJIL MATRIKULASI/ ASASI/ PRA-UNIVERSITI/ STPM/A-LEVEL</u></b> Perubatan Pergigian Farmasi	<a href="http://www.alexu.edu.eg">http://www.alexu.edu.eg</a>												

UNIVERSITI	KELAYAKAN MINIMUM DAN BIDANG PENGAJIAN	LAMAN WEB
Mansoura	<b><u>SPM DAN SIJIL MATRIKULASI/ ASASI/ PRA-UNIVERSITI/ STPM/A-LEVEL</u></b> Perubatan Pergigian Farmasi	<a href="https://www.mans.edu.eg">https://www.mans.edu.eg</a>

## YURAN PENGAJIAN DI MESIR BAGI SESI 2023/2024

8. Berikut adalah kadar yuran pengajian yang ditetapkan oleh universiti. Walau bagaimanapun, kadar yuran pengajian yang terkini akan dikeluarkan oleh universiti pada awal pengajian Sesi 2023/2024 yang dijangka bermula pada Oktober 2023.

Bidang Pengajian	Kadar Yuran Pengajian*		
	Al-Azhar	Alexandria	Mansoura
<b>Perubatan</b> (Yuran Setahun)			
• International Students Normal Integrated Programme	USD5,000	USD6,000	USD6,000
• Manchester Programme		USD15,000	USD9,000
<b>Pergigian</b> (Yuran Setahun)	USD5,000	USD8,000	USD8,000
<b>Farmasi</b> (Yuran Setahun)		USD8,000	USD8,000
<b>Ulum Islamiah</b> (Yuran Setahun)	USD1,000		
<b>Pengajian Bahasa Arab di Pusat Bahasa Sheikh Zayed</b> (Yuran Satu Tahap)	USD100		

## SYARAT PERMOHONAN MENGIKUTI PENGAJIAN KE INSTITUSI PENGAJIAN DI MESIR SESI 2023/2024

### Sains Kesihatan

9. Pemohon yang ingin mengikuti pengajian Ijazah Sarjana Muda dalam bidang Sains Kesihatan di universiti di Mesir hendaklah memenuhi syarat kelayakan minimum yang telah ditetapkan seperti berikut:

### 9.1 Pengajian Perubatan di Universiti Al-Azhar, Universiti Alexandria dan Universiti Mansoura

- (a) Mempunyai **Sijil Pelajaran Malaysia (SPM)** dengan memperoleh purata peratusan markah sekurang-kurangnya **90%** dalam lapan (8) subjek iaitu **Bahasa Melayu, Bahasa Inggeris, Sejarah, Matematik, Matematik Tambahan, Fizik, Kimia dan Biologi** di peringkat SPM dengan sekurang-kurangnya **Gred B** dalam **Biologi, Kimia, Fizik, Matematik dan Matematik Tambahan; DAN**
- (b) mempunyai sijil matrikulasi atau asasi yang diiktiraf Majlis Perubatan Malaysia (MMC) atau Sijil Tinggi Persekolahan Malaysia (STPM) atau A-Level.

### 9.2 Pengajian Pergigian di Universiti Al-Azhar

- (a) Mempunyai **Sijil Pelajaran Malaysia (SPM)** dengan memperoleh purata peratusan markah sekurang-kurangnya **79%** dalam lapan (8) subjek iaitu **Bahasa Melayu, Bahasa Inggeris, Sejarah, Matematik, Matematik Tambahan, Fizik, Kimia dan Biologi** di peringkat SPM dengan sekurang-kurangnya **Gred B** dalam **Biologi, Kimia, Fizik, Matematik dan Matematik Tambahan.**

### 9.3 Pengajian Pergigian dan Pengajian Farmasi di Universiti Alexandria dan Universiti Mansoura

- (a) Mempunyai **Sijil Pelajaran Malaysia (SPM)** dengan memperoleh purata peratusan markah sekurang-kurangnya **79%** dalam lapan (8) subjek iaitu **Bahasa Melayu, Bahasa Inggeris, Sejarah, Matematik, Matematik Tambahan, Fizik, Kimia dan Biologi** di peringkat SPM dengan sekurang-kurangnya **Gred B** dalam **Biologi, Kimia, Fizik, Matematik dan Matematik Tambahan; DAN**
- (b) mempunyai sijil matrikulasi atau asasi atau pra-universiti atau Sijil Tinggi Persekolahan Malaysia (STPM) atau A-Level.

10. Pengiraan Peratus Mengikut Gred bagi SPM adalah seperti berikut:

Gred SPM	Kesetaraan Markah
A+	100
A	95
A-	90
B+	85
B	80
C+ / C	75
D / E / F	0

Kaedah Pengiraan Peratus: Jumlah Markah 8 Subjek Berkaitan

8

Contoh: Pelajar mendapat 7A+ dan 1B

$$= \frac{7(100) + 1(80)}{8}$$

$$= 97.5\%$$

### Pengajian Islam

11. Pemohon yang ingin mengikuti pengajian Ijazah Sarjana Muda dalam bidang Pengajian Islam di Universiti Al-Azhar hendaklah memenuhi syarat kelayakan minimum yang telah ditetapkan seperti berikut dan umur pelajar tidak melebihi 30 tahun semasa permohonan:

#### 11.1 Pengajian Bahasa Arab/ Dakwah/ Dirasat Islamiah/ Syariah/ Usuludin

- (a) Mempunyai **Sijil Tinggi Agama Malaysia (STAM)** dengan memperoleh sekurang-kurangnya pangkat **JAYYID**; DAN
- (b) **LULUS** Tahap Mutamayiz (Tahap 7) Pengajian Bahasa Arab di Pusat Bahasa Sheikh Zayed.

## 11.2 Pengajian Ulum Islamiah

- (a) **LULUS** semua subjek dalam **Sijil Pelajaran Malaysia (SPM)** dan mendapat **sekurang-kurangnya Gred B** dalam subjek **Bahasa Melayu, Bahasa Inggeris, Bahasa Arab, Matematik, Syariah Islamiah dan Pendidikan al Quran Sunnah** DAN **LULUS** Tahap Mutamayiz (Tahap 7) Pengajian Bahasa Arab di Pusat Bahasa Sheikh Zayed.

## 11.3 Pengajian Qiraat

- (a) Mempunyai **Sijil/ Diploma Qiraat** yang diiktiraf kesetaraan oleh Al-Azhar; dan
- (b) **LULUS *Imtihan Tahdid Mustawa*** (Ujian Penentuan Tahap Penguasaan Bahasa Arab) **ATAU**
- (c) **LULUS** keenam-enam Peringkat (*Mustawa*) Pengajian Bahasa Arab seperti berikut:

<b>Peringkat (Mustawa)</b>	<b>Tempoh Pengajian</b>
Asas 1 (Mubtadi' Awwal)	45 hari
Asas 2 (Mubtadi' Thani)	45 hari
Pertengahan 1 (Mutawassit Awwal)	45 hari
Pertengahan 2 (Mutawassit Thani)	45 hari
Lanjutan 1 (Mutaqaddim Awwal)	45 hari
Lanjutan 2 (Mutaqaddim Thani)	45 hari

12. Semua Sijil STAM atau SPM atau Sijil/ Diploma Qiraat **HENDAKLAH** tidak melebihi 3 tahun semasa membuat permohonan.
13. Bagi permohonan ke Universiti Al-Azhar dalam bidang Sains Kesihatan, pelajar perlu mempunyai Bahasa Arab di peringkat SPM.

## PANDUAN PERMOHONAN MENGIKUTI PENGAJIAN KE INSTITUSI PENGAJIAN TINGGI DI MESIR SESI 2023/2024

1. Sila ambil perhatian perkara-perkara berikut sebelum dan semasa mengisi permohonan secara atas talian:
  - 1.1 Pastikan anda membaca panduan dan syarat permohonan melanjutkan pengajian ke Mesir sebelum mengisi permohonan atas talian.
  - 1.2 Anda perlu mendaftar terlebih dahulu sebelum membuat permohonan atas talian. Sila pastikan emel yang didaftarkan adalah aktif, nama penuh dan no. kad pengenalan anda adalah betul dan tepat.
  - 1.3 Setelah membuat pendaftaran, anda perlu log masuk ke dalam sistem e-timurtengah di pautan <https://dohe.moe.gov.my/timurtengah> bagi melengkapkan maklumat permohonan.
  - 1.4 Anda hanya dibenarkan untuk membuat permohonan bagi **SATU (1)** negara dan **SATU (1)** bidang sahaja. Anda juga dinasihati supaya membuat permohonan yang memenuhi syarat kelayakan yang telah ditetapkan.
  - 1.5 Pastikan maklumat yang diisi adalah betul dan lengkap sebelum tekan butang **simpan** dan **hantar**.
  - 1.6 Anda dinasihatkan agar berhati-hati dan teliti semasa mengisi permohonan. Pengemaskinian maklumat boleh dilakukan sehingga tarikh akhir permohonan.
  - 1.7 Pastikan permohonan dihantar dengan **MENEKAN BUTANG HANTAR** selewat-lewatnya pada tarikh akhir permohonan.
  - 1.8 Anda dikehendaki mencetak borang permohonan sebagai rujukan.
  - 1.9 Anda boleh membuat **semakan kelayakan** selepas tempoh tujuh (7) hari bekerja daripada tarikh tutup permohonan. Sekiranya anda disahkan layak meneruskan permohonan, **slip permohonan boleh dicetak** melalui sistem e-timurtengah.
  - 1.10 Permohonan yang **TIDAK LENGKAP DAN TIDAK MENEKAN BUTANG HANTAR** tidak akan diproses dan **AKAN DITOLAK** sama sekali.

- 1.11 Anda dinasihatkan untuk membuat terjemahan Sijil Lahir dan keputusan SPM / STAM lebih awal bagi mengelakkan kelewatan.
  - 1.12 Bagi pemohon lepasan STAM, sijil asal STAM (Bahasa Arab) yang dikeluarkan oleh Lembaga Peperiksaan Malaysia **TIDAK BOLEH LAMINATE**. Hanya sijil asal STAM yang **TANPA LAMINATE** diterima oleh Universiti Al-Azhar.
  - 1.13 Terjemahan SPM / STAM dan Sijil Lahir/ Surat Beranak/ Borang W dalam Bahasa Arab boleh dibuat di Institut Terjemahan Buku Malaysia (ITBM) di Wisma ITBM, No. 2, Jalan 2/27E, Wangsa Maju, Seksyen 10, 53300 Kuala Lumpur.
  - 1.14 Terjemahan sijil SPM / STAM dan Sijil Lahir/ Surat Beranak/ Borang W perlu disahkan oleh Bahagian Konsular, Kementerian Luar Negeri di No 1, Jalan Wisma Putra, Presint 2, 62602 Putrajaya.
  - 1.15 Semua dokumen sokongan yang perlu disahkan boleh disahkan oleh mana-mana Pegawai Kerajaan dalam Kumpulan Pengurusan dan Profesional/ Ahli Dewan Undangan Negeri/ Pesuruhjaya Sumpah/ Pengetua/ Guru Besar/ Ketua Kampung/ Penggawa/ Penghulu.
  - 1.16 Anda **WAJIB** mengisi **Borang Aku Janji Permohonan Melanjutkan Pengajian Ke Timur Tengah Bagi Sesi 2023/2024** dan dikemukakan sekali bersama dokumen sokongan.
2. Sebarang pertanyaan dan maklumat lanjut boleh hubungi Bahagian Education Malaysia, Jabatan Pendidikan Tinggi di [tt.bem@mohe.gov.my](mailto:tt.bem@mohe.gov.my).

### **PERINGATAN!!**

**Pemohon yang didapati sengaja atau tidak sengaja memberi maklumat salah/ tidak benar/ manipulasi maklumat dalam permohonan dalam talian dan dokumen-dokumen sokongan yang berkaitan akan diambil tindakan tegas dengan membatalkan permohonan dan surat tawaran serta boleh dikenakan tindakan undang-undang.**